

EUSKAL PRESOK. Robert Bret senadore komunistaren ordezkaria ekitaldian izan zen

Presoen alde lanean segituko dutela agindu dute Marseillako komunistek

Senideak-Gureak elkarteak Marseillan iragan zuten Frantziako biraren seigarren eguna

Erredakzioa | BAIONA

Senideak-Gureak elkarteak antolatu Frantziako biraren seigarren eguna Marseillan iragan zuten atzo. Bertako komunistak hitz eman dute berriz lanean hasiko zirela hurbilketa eta kanporaketaren inguruan. Oro har, Josiane Durrieu, komunisten nazioarteko harremanen arduraduna, eta Jean Jacques Lucchini Rhones-Alpes departamenduko komunisten kolegio exekutiboaren kideak beste zenbaitzuen artean agiriak dakarrenarekin ados agertu ziren.

Izan ere, Arlesen preso dau den euskaldunak ikusteko nahieria adierazi zuten, haiekin elkarriketa baten abiatzeko. Oro har, hainbat ekitaldi antolatuko dituzte euskaldunekin batera. Erabaki horiekin, iaz hasitako elkarlana berretsi zuten. Hain zuzen, iaz Frédéric Haranbururen amaren Tarasconeko auzia gaitzesterakoan, elkarrekin arian ziren lanean.

Prentsaren interesa

Marseillako komunistekin elkartu aintzin, goizean Ostau dau Pais Marselhe deitu Marseillako okzitanoen lokalean egin prentsaurrekora Robert Bret senadore komunistaren Florence Grillon ordezkaria hurbildu zen. Senadoreak presondegiatako egoeraz jadanik



Marseillako komunistek Senideak-Gureaken ekimenarekin bat egin zuten.

lan egin du, eta senitartekoen manifestoari buruz bere iritzia eskainiko diela adierazi zien. Horrez gain, lekuko prentsa nasaiki hurbildu zen.

Elkarteak bere biraren helburuak esplikatzen ahal izan zituen, bai eta euskal preso politikoen famili gisa zituzten aldarrikapen ezberdinak. Arleseko presondegiaren zuzendariarekin ukan zituzten aipagaien berri eman zieten ere. Hala nola, sakabana-

ketarengatik familek bertara heltzeko dituzten arazoak, jakinez Arles, Euskal Herriatik 650 kilometrotara dela, bisitak ukaitzeko problemak, eta gutunek izaitzen duten beranta.

Arratsaldean, goizeko gela beran, informazio bilkura antolatu zuten. Oraingoan Marseillan gehiago hurbildu zen bertara. LCR, Iraultzaile komunisten ligako kideak, Senideak-Gureaken aldarrikapenen ulertzera

hurbildu ziren. Eskubideen errespetua, kanporaketak, torturak etabar. Helduden hitzordua, Draguignaneko presondegiko zuzendariarekin dute Senide-Gureakek.

Poteoa eta bazkaria Oñatin

Bestalde, atzo euskal presoen Euskal Herriartzaren alde poteoa eta bazkaria egin zituzten Oñatin, Gazte Ekimenak antolaturik.

AABk gatazkaren bukatzeko preso eta errefuxiatuen parte-hartzea aldarrikatu du

I. Arrizurieta | UHARTE

Irtenbide demokratiko baten alde lelopean Amnistiaren Aldeko Batzordeek festa eguna egin zuten atzo Nafarroako Uharte herrian. AABek euskal gatazka politikorekin bukatzeko euskal preso eta errefuxiatuen «ezinbesteko parte-hartzea» aldarrikatu zuen.

Eguerdian hasi zen aldarrikapen festara jende ugari bildu zen. Umeentzako jokuak eta herri kirol ikuskizunak ondoren, Nafarroako hainbat preso oihek, hauen senideak eta AABko hainbat lagunek 14:30etan bazkaria egin zuten.

Arratsaldean Udaletxe pla-

zan egindako ekitaldi politikoa egungo gatazkari irtenbide «iraunkor, demokratikoa eta zuzena» emateko deia egin zuten elkarteak.

Ildo horretan, taldeak Nafarroan duela hilabete batzuk irtenbide demokratikoen alde hasi kanpainaren jarraipena izan zen atzokoa. AABren iritziz, lau irizpide aintzat hartu behar dira helburu hori erdiesateko. Lehenik, gatazka «politikoa» dela onartu behar dute guztiek. Bigarrenik, irtenbidean euskal herritar orok parte-hartu behar du. Beraz, euskal preso eta errefuxiatuen «ezinbesteko parte-hartzea» eskatu zuten. Ildo honetan, hauen es-



JOXE LACALLE

Nafarroako AABko hainbat lagun bildu zen bazkarian.

kubideak «egoera orotan» errespetatzeko exijitu zuten, eta eurentzako amnistia eskatu zuten.

Hirugarrenik «Espainiako eta Frantziako indar errepresibo-

ak» Euskal Herriko joateko premia aldarrikatu zuten. Azkenik, gatazkaren parte diren aldeek «ezinbestekoa izanen dute prozesuaren emaitza onartzea» nabaritu zuten.

LAGURAEAN

Ehunka lagun bildu da Portugaleten ETaren indarkeriaren kontrako elkarretaratzean

Ehunka herritar bildu zen atzo Portugaleten ETaren aurkako indarkeria salatzen Bakearen Aldeko Koordinakundeak deituriko elkarretaratzean. San Rokeko baseliza-ondan bildu ziren *Jazarpenezko biolentziari ez. Elkarrekin askatasunaren alde* leloa zuen pankarten atzean. Amaieran Bakearen Aldeko Koordinakundeko kide batek adierazi zuenez, «ezin dugu onartu biktimen isolamendua». Pertsona horien «isolamendua eta askatasun murrizketa» salatu zuen. «Horregatik diogu jazarpenezko indarkeria dela», gaineratu zuen. Horri aurre egiteko, «elkartasuna eta guztion bertsakada» beharrezkotzat jo zuen.

PSE-EEko zinegotzi batek bere kargua utzi du Azkoitian, lana eta arrazoi pertsonalengatik

Ventura Garnateo Romero, PSE-EEk Azkoitian duen zinegotzi bakarrak, bere kargua utzi zuen, lana eta arrazoi pertsonalak argudiatuz. PSE-EEko iturriek jakinarazi zuten, dimisioak ez du zerikusirik Zumarragan beste zinegotzi sozialisten kargu uztekin. Bizkartzainik ez zutelako nahi utzi zuten kargua Zumarragan PSE-EEko udal ordezkariak. Era berean, PSOEko bozeramaile Kongresuan Jesus Calderak adierazi zuen hauteskunde-aren aurretik iragarri zuela dimisioa Garnateok eta ez duela zerikusirik hauteskunde-aren emaitzekin. «Ez dago arrazoi politiko eta sozialik», baieztatu zuen Jesus Calderak.

Euskaltelen errepikagailu bat erasotu dute molotov-koktelez Soraluzen

Ezezagun batzuk Soraluzeko Karakate mendian Euskaltel telefono konpainiak duen errepikagailu bat erasotu zuten atzo. Gertakariak gaueko 00:45etan izan ziren antena baten kontra molotov-koktelak bota zituztenean. Ertzainak suitzalagailu batekin amatatu zuten sua. Kalteak zenbaterainokoak izan ziren ez zuten zehaztu. Hala ere, ez zirudien aparatua kalte handia izan zenik, ez zelako suhiltzaileen beharrik izan. Errepikagailu hori aurretik ere erasotua izan da.